

四庫全書

集部

欽定四庫全書

集部

小鳴稿卷六

七

詳校官監察御史_臣曹坦

中書_臣劉源溥覆勘

總校官知縣_臣楊懋珩

校對官中書_臣田尹衡

謄錄監生_臣陳昌敬

欽定四庫全書

小鳴稿卷六

明 秦王朱誠詠 撰

五言絕句

南園即事

草木俱搖落窮冬迫歲華憑誰慰岑寂獨喜見梅花

懷陳叔振都憲

判袂俄經歲懷居不暫忘斷鴻何處是目極塞雲長

懷陳公輔伴讀

秦蜀雲千里分携十載餘
朝來逢驛使纔接一封書

村行

綠瘦搖風柳紅酣帶雨花
小橋流水外茅屋兩三家
一鷄屋上鳴一犬當門吠
竹裏起炊烟田家臨水際

題雜畫

五首

好去深山裏千峯不可尋
呼童松下問滿目白雲深
理罷紫桐琴良宵成獨坐
嫦娥似賞音流光時照我

秋色飄零裏秋聲淅瀝中
碧雲歸鴈盡天末夕陽紅
一葉彩舟輕紅粧照溪水
歌聲隔岸聞兩兩鴛鴦起
積雨初開霽柴門掩薜蘿
空堦墮梧葉露冷月明多

夜坐

月冷梅粧淡風恬鳥睡癡
迢迢宮燭盡誰問夜何其

苦寒

玄冥嚴號令四野雪花飛
莫道深宮冷貧民未授衣

醉仙圖

瑤池開宴罷一醉入無何轉眼千年換桑田起白波

秋柳

長條摧落葉猶自美輕柔扳折休教盡還留繫客舟

曉思

譙角鳴鳴起雲霞海曙光東風深院裏滿地落花香

秋夜

明月淡流光凭闌夜方寂梧飄金井寒露下瑤堦濕

飲酒

古今多愛酒愛酒必傷神為問靈均溺醒醒有幾人

古意

裊裊竹成竿累累花結子永懷不寐人空閨愁欲死

對花

花發酒新菊花前客倡酬青春今日好宜上少年頭

秋辭

月下彈瑤瑟花前弄玉簫宮溝水清淺信是不通潮
樓外月華明孤幃別夢驚畫屏勞輾轉腸斷轆轤聲

松陰鳴鶴圖

引頸劃然鳴松陰轉二更海天風露冷秋氣一般清

聽彈琴

流水與高山泠泠十指間清風明月夜白鶴自飛還

請人賞春

東園春正好遊樂預相招詩酒如無伴鶯花也寂寥

方塘

鑿破窓前地澄澄一鑑開天光與雲影竟日共徘徊

草亭

粗結茅亭小乾坤景趣幽坐來心跡靜何必構危樓

夜坐有懷

獨坐有寒燈故人千里別鴈過月明時感我情淒切

竹影

滿地清陰匝扶疎漏日光憑誰施妙手水墨寫瀟湘

松聲

非石還非竹琅琅奏玉琴幽人聽最熟賴爾濯塵心

獨坐

深院無塵雜朱門晝不開
堦前嫌客過只恐破蒼苔

彈琴

泠泠太古音淡淡分宮徵
吁嗟纂與箏繁聽惱人耳

香奩追和元人黃伯暘韻

迢遞雲山阻庭花幾度開
惱人雙蛺蝶飛去更飛來
沒堦傍庭梅摘實下高樹
梅子多苦酸妾心更酸苦
孤燈照夜深淅瀝芭蕉雨
落葉下空堦秋聲無覓處

霜林摘紅葉題詩擲流水流到阿誰邊要識詩中意

聞鶴聲

露冷銀床濕秋高玉宇清天風助清思吹送九臯聲

秋夜露坐

雲散雨初收長空灝氣浮露華籠月色白苧不勝秋

秋柳

纖腰何太瘦踈影亂婆娑昨夜西風急空庭落葉多

詠詩

雅趣天機動豪吟一世驚百篇誰復斷千載杜陵情

深秋

霜寒金氣重落葉覆蒼苔萬木俱蕭索黃花獨自開

馬上口號

紅葉深秋景黃花暮雨時西風鞍馬上何物不堪詩

濃雲不雨

出岫豈無心層空晝結陰油然空蔽日底事不為霖

西園曉晴

紅紫鬪芳新韶華滿眼春綠窗深院裏應有惜花人

宮詞

明月侵羅幌孤眠夜寂寥東風偏有意滿耳度雲韶

紅杏

艷奪晚霞紅繁開細雨中何如庭下竹孤節傲霜風

緋桃

竟日本無言紅芳簇錦園漁郎無跡到不是武陵源

花砌

紋甃接庭堦芝蘭繞砌栽最憐雙白鶴來往啄蒼苔

學書

立意在筆先下筆貴遒勁公權有格言筆正由心正

書昉上人太虛卷

雲歛天長淨風恬水不驚水天澄徹處萬里自分明

閨怨

別時荷未花別後花生子結得苦心成紅香抱霜死

落花

片片舞東風
胭脂點地紅
鳥啼金谷晚
春事又成空

湘神

淚染竹成斑
重華去不還
蒼梧雲一片
隔斷九疑山

雨晴夜坐

雲散雨初晴
長空月正明
中庭涼似水
兀兀坐深更

夏夜

月翻驚鵲影
風咽亂蟬聲
獨坐忘塵慮
宵分夢未成

曉起對雪

四野亂鷄聲燈昏餘燼滅寒威襲綺裘獵獵風吹雪

項羽泣別圖

手拂千金劍燈前慷慨歌虞兮騅不逝泣下復如何

詠雪次楊應寧憲副韻

吾道日中天萬古馬能滅惟君善化人時雨成春雪
冒雪多勞勩乘危亦苦辛相逢如借問不是探梅人

山行

白日至昏暮山行未出山問途無數里猶在萬松間

席上音樂雜詠

箏

銀甲玉纖輕花間乍嘯鶯
琤琤傾四座盡是斷腸聲

琵琶

掩面出昭陽傷心淚幾行
胡沙天萬里何地吊王嫱

笙

鳳翼象參差清音真妙絕
鶴背載剛風緱山弄明月

笛

牛背晚風清
漁舟夜月明
征人腸欲斷
出塞不勝情

簫

赤壁坡仙賦秦臺美玉祠
韶音今再作應見鳳來儀

篴篥

狂夫渡河死麗玉獨傷情
翻入梨園譜都成墮淚聲

胡琴

紫竹掣冰絲繁聲厭靡靡
阿誰瘴鄉來傳得蠻人語

鼓

奮迅鳴沙磧歡娛佐玉堂
閱音思魏武解穢笑明皇

纂

妙響雜笙竽度詞應不誤
幾多兒女情昵昵憑誰訴

拍板

細省番絃譜應悟耳通心
將謂非絲竹翻能統八音

六言四句

詠雪和楊應寧憲副韻

玉節多沾柳絮驚車踏碎冰
花借問行臺何處乾坤虛

白為家

潮塞無人堪跨剡舟有客空迴爭似風流
豈史聚星獨擅詩才

小景

困睡綠楊倦起醉酣紅杏低迷簾捲東風
深院無端鶯燕交飛

小鳴稿卷六

欽定四庫全書

小鳴稿卷七

明 秦王朱誠泳 撰

七言絕句

趙松雪明皇出遊圖

畫品通神絕世無
龍姿鳳質照珊瑚
自緣家國關心事
不寫鑾輿幸蜀圖

昭君出塞圖

粉淚流香濕繡鞍琵琶聲咽朔風寒莫將舊日宮中曲
却向呼韓帳裡彈

櫻桃

來青樓下雨過時火齊累累滿翠枝無數勻圓訝相似
祇應樊素是相知

苑中 二首

東暇尋芳偶獨來熙熙羣品在春臺暖風消盡牆陰雪
一夜繁花幾樹開

傾國名花七寶闌紅嬌粉膩怯春寒長安多少豪華客
惟解憎騰醉裡看

燕

來往銜泥半落花柳塘風暖日初斜身輕已被當時妬
莫謾雙飛入漢家

宮人斜

鏡裏朱顏已莫傳空餘荒塚小坡前東風開遍閒花草
疑是當年墮翠鈿

賞雪

玉宇瓊樓一色新
開尊談笑別生春
座中賓客知多少
誰是梁園作賦人

水仙花

玉骨冰肌別樣春
凌波步小襪生塵
風來水面香飛處
疑是當年解珮人

子陵畫

漢庭辭却大夫官
七里灘頭一釣竿
千古富春巖畔月

清光常映客星寒

子牙畫

興周有兆信非熊老奮鷹揚策上功渭水無人能枉駕
鬚毛落盡釣絲風

梅花 二首

貞心如鐵傲霜風不與羣芳鬪紫紅記得羅浮春夢醒
翠禽嘈雜月明中

黃昏庭院雨絲絲春到東南第幾枝憑仗東君好呵護

莫教人向笛中吹

鴈字

暮雲飛盡碧天長
萬里橫斜字一行
月白夜寒風力勁
斷文零落下瀟湘

鴈影

纔背斜陽過戍樓
又拖明月度滄洲
一行飛向天南去
印破湘江萬里秋

孤鴈

一聲嘹唳過南樓
烟水茫茫萬里秋
多少弟兄零落盡
且隨鷗鷺立滄洲

聞鴈

滿空寒雨度瀟湘
楚水燕雲道路長
惆悵故人千里別
好傳尺素過衡陽

元夜宴永壽府

填篴迭奏兩情歡
寶燭銀屏敵夜寒
最是無邊風景好
丁寧莫向醉中看

天馬詞

神駿遙從大宛來
追風萬里絕駁駘
天閑不用爭芻秣
首宿花香處處開

塞上詞

漠漠黃沙隔漢關
西風狐兔滿西山
喧闐鼙鼓隨烽火
知是將軍夜獵還

春陰 二首

一番風雨暗清明
綠滿閒庭草自生
十二樓臺都倚遍

燕鶯簾外寂無聲

黯黯陰雲入望低
落花飛絮盡沾泥
眼前風物催春晚
滿地靡蕪長欲齊

送人入蜀

莫向人言蜀道難
馬頭萬仞逼青山
於今平陸皆溟渤
轉眼風波反覆間

舊朝服菊

不向金門謁冕旒
東籬冷淡伴清秋
應疑當日陶弘景

金
掛去而今尚未收

金錢菊

錢神一夜幻花神鑄出東籬阿堵新莫遣半山容易賦
黃金滿地駭詩人

楊妃菊

馬嵬坡下粉香消化作東籬一種妖髻霓裳初舞罷
倚風金步向人搖

二色菊

采采深黃間淺黃兩般顏色一般香
自緣青女施神巧幻出濃粧與淡粧

漢苑行二首

新水瀾漫溢鳳池嬌鶯占斷綠楊枝
乾坤拍拍春如海不啻人間草木知

雙闕初開擁內朝東風滿耳度雲韶
怪來積雪成春水盡是皇家喜氣消

三月十日牡丹盛開將約諸賓客共賞九日夜忽

風雨大作黎明園丁走報花已半離披矣感而賦
此

自恨開尊約已遲曉來風雨半離披不知猶有春多少
為報東君好護持

過舊邸看梅

一樹寒梅傍砌栽東風依舊見花開主人已去猶為主
不厭花時日日来

讀高太史詩

日光玉潔冠英豪
鶴逝鯨飛不可招
留得當時遺葉在
青藜五夜燭青霄

春水

大地陽回凍雪融
玻璃萬頃縐溪風
石橋一夜添新漲
流出桃源兩岸紅

春山

宿雨初收晷畫張
層層螺髻樹蒼蒼
鳥啼深塢桃花落
一路風吹澗水香

題陳希夷圖

華山真境逼蓬萊
石洞雲深鎖不開
一枕黑甜仙夢遠
任教滄海起黃埃

月下鼓琴畫

兀坐松陰理玉琴
晚風吹月上天心
空山夜靜無人聽
只有嫦娥是賞音

九月見牡丹

萬卉千葩已寂然
不應富貴與時偏
誰知造化能開物

一歲相看兩度妍

登府城望祖母陳太妃塋

樂遊原近少陵原芳草萋萋接遠天
惆悵慈顏無復見不禁雙淚一潸然

夏仲昭墨竹

容臺揮翰寫琅玕墨汁淋漓濕未乾
一片瀟湘水雲意不勝清露逼人寒

過墻竹

簪龍初卸錦棚香頭角崢嶸過粉牆翻訝吹簫秦美玉
月明騎鳳度瀟湘

一路功名到白頭畫為婁克讓憲使題

露冷銀塘灝氣浮羽毛如雪照清秋功名一路身須到
肯向江湖浪白頭

題溫日觀蒲萄

鉢龍吞墨上雲烟幻出驪珠顆顆圓今日空庭留色相
一枝涼影月當天

題畫 二首

雨餘嵐翠濕秋山
晷畫樓臺紫翠間
白鳥不飛波不動
夕陽江上幾人還

烟樹雲林半有無
水光山色遠模糊
長江一片瀟湘意
都落房山水墨圖

春詞 五首

柳絲輕蹕趁東風
桃李花開白映紅
燕子不來寒食近
鞦韆庭院雨濛濛

濃春如酒醉韶華無限風光屬內家最是詩中堪畫處
幽禽飛上海棠花

滿院東風長綠苔水香沙暖鳥飛來
麝縈幾陣催花雨
芍藥薔薇次第開

海棠枝上鵲聲乾羅幙重重護曉寒
初日半林珠露重
脆紅無數壓闌干

小院春深麗日遲暖風吹動萬年枝
千紅萬紫雕闌外
坐看蜂衙報午時

題王舜耕畫

四首

翠壁丹厓淡夕曛
往來麋鹿自成羣
仙家住在空青外
只隔桃花一片雲

小小溪橋有路通
草堂門掩白雲中
深山六月渾無暑
一派沄泉萬壑風

重疊青山擁翠螺
雨晴深澗水如羅
涼飈忽起巖前樹
遙送書聲出薜蘿

萬里同雲雪載途
乾坤凍合在水壺
高人深掩茅堂卧

金剛經卷第七
門外曾來縣令無

黃葵花

秀毓中央正色深
花開朵朵盡黃金
道粧莫說無妖艷
自有傾陽一點心

題雜畫賜門正相儷

八首

流水桃花玉洞深
長松千尺落晴陰
瑤琴彈到無聲處
白鶴飛來風滿林

富貴功名總不干
水邊林下足盤桓
玉壺倒盡碧山暮

醉卧不知天地寬

碧山紅樹亂縈迴瀑布聲喧萬壑雷一局手談天地老
丁寧樵子莫省來

歲晚江南雪未消空山羣木正蕭蕭詩翁要識春消息
相約尋梅過野橋

峭壁蒼崖掛綠蘿柴門流水落花多白雲隔斷人間路
不放紅塵一點過

姑射丰標玉雪清逋仙相對獨怡情暗香疎影詩成後

誰更黃昏咏月明

宿食飛鳴態不齊黃蘆瑟瑟滿江堤上林今日音書絕
沙漠無人更牧羝

雲山烟樹望中微茅屋人家隔水西讀罷殘書春晝永
短牆喔喔一聲鷄

遊玄都觀

擾擾遊人去又來乘閒也踏軟紅回劉郎道士俱塵土
縱有桃花亦浪栽

秋思

銀漢無聲月正輝
西風吹透越羅衣
玉關鐵甲人多少
北鴈歸時尚未歸

宮詞

十二首

羅幙垂紅護曉寒
靚粧初試珮珊珊
不知門外春多少
雨打梨花滿地殘

霧鬢雲鬟訝水仙
紫苔紋甃澁金蓮
多情只恐鴛鴦妬
行到回塘不敢前

燈花作藥黥銀缸花影離披月滿牕玉露滿天涼似水
鳳笙吹徹不成腔

夜合風前散曉香露華涼沁薄羅裳自憐顏色非傾國
不敢將身擅未央

錦屏繡帳鬱金香燭影搖紅夜有光簷鐵戰酣風力勁
不教飛夢落高唐

竹枝何處引羊車盡日凝粧候翠華燕子不來春欲暮
東風吹老碧桃花

舞鳳飛鸞繞漢宮
湘簾羅幙影重重
珮環聲細香風暖
花底何人見玉容

不見黃姑度絳河
九霄風露夜如何
鵲橋影淡秋無跡
腸斷天孫弄玉梭

人與花枝競艷粧
重重珠翠綺羅香
流蘊帳小銀屏暗
坐倚熏籠欲斷腸

浴罷蘭湯趁晚風
畫堂銀燭錦屏空
自憐薄命終黃土
不恨丹青畫未工

照眼花枝小院春
春蔥花下盛紅巾
玉簫吹罷瑤臺月
不是昭陽殿裡人

一庭淡月浸梨花
好景偏宜富貴家
風動珠簾香滿院
玉人相對撥琵琶

秋夜

月滿西樓戶半開
晚風黃葉走空階
偶然得句高歌處
肯為悲秋惱壯懷

秋聲溢耳不堪聽
燕坐高齋戶半扃
霽月滿牕明似畫

梧桐如雨下空庭

玉漏沈沈夜未央
博山銷盡水沈香
月明露下微風動
添得虛堂一味涼

切切寒蛩草際鳴
露華秋氣兩淒清
空庭久坐不成寐
明月滿階砧杵聲

抱得瑤琴月下彈
不知梧影過雕闌
長空萬里秋無際
白鶴一聲風露寒

露下高梧夜若何
廣庭雲霽月明多
怪來詩骨清如許

一榻涼生透越羅

虛堂風露兩淒清
寶鴨香銷冷畫屏
卧看碧空涼似水
銀河耿耿度雙星

梧桐蕭瑟發清商
秋入屏幃枕簟涼
詩思滿懷渾不寐
一燈風雨亂啼螢

春草

一望蒙茸接遠天
東風吹綠暖生烟
王孫去後無消息
落日空留醉客眠

漁樵圖

君托為樵我托漁濟時心在復何如
會稽烟月磻溪水
千古光輝照簡書

二月見梅

花開常是在嚴冬今歲開當二月中
祇恐已忘松竹舊
錯將貞白鬪春紅

露

分來秋氣夜溽溽瀉入仙人掌上盤
玉屑和食成底事

茂陵衰草不勝寒

銀河

冷浸瑤空淡欲流
素光如練夜橫秋
月明烏鵲南飛去
疑是成橋度女牛

春宴

生色屏風四面開
春風都入管絃來
樽前健在休辭醉
無數飛花落酒盃

登關寶臺

肩輿隱隱陟崔嵬笑問秦人關寶臺勝負千年同一夢
東風惟有野花開

淵明賞菊圖

解印初從栗里歸壺觴日日醉東籬門前五柳俱搖落
祇有黃花是故知

送人之雲中

紅亭綠酒鬱金香灞岸西風水氣涼極目雲中千里外
鳥飛不盡塞天長

有懷妻克讓

別來日日動遐思
又值西風過鴈時
門掩空齋人寂靜
芭蕉葉底坐題詩

碧荷池畔赤闌東
此地曾留坐晚風
今日却成千里別
何時相對一尊同

判別俄驚半載餘
馳情今日倍如初
西風吹起南來鴈
帶得秋空一紙書

百尺高樓倚暮雲
西風落葉正紛紛
情懷對此偏蕭索

無那悲秋又憶君

會晤從來未可期只憑詩句寫相思
春來驛使多西去
好把梅花寄一枝

畫馬

千金駿骨異尋常絕漠曾經百戰場
四海於今幸無事
任渠芻牧華山陽

題畫

水天臺榭隔塵寰小閣弘開對遠山
高士信非名利客

悠然心與白鷗閒

抱琴徐步白雲深路入長松十里陰
屐齒莫嫌蒼蘚澁紛紛城市少知音

杖藜步步踏瓊花十里山村一逕賒
堪笑王猷竟癡絕不逢安道遽還家

林木蕭蕭積雨餘西風涼早入郊墟
柴門半掩無人到四壁清燈一卷書

聽鄭生彈琴

分明流水與高山清響泠泠入指寒彷彿九皐明月夜
聲聲鶴唳海天寬

遊興善寺

迢迢一徑綠苔封步入烟霞杳靄中大室老禪忘色相
庭前紅杏自東風

風雨大作恐傷禾蕒

雲暗乾坤曉若昏狂風挾雨類傾盆妨農獨念田家苦
減膳緣渠坐掩門

懷道士

筇竹投來已化龍
世人何地躡高踪
想應暫憩蓮峰下
空聽雲間半夜鐘

題鷺鷥畫與武功宋知縣

羽衣如雪照銀塘
碧玉鮮礪頭立曉
霜須信飛騰應有日
鳳凰池上接鵷行

次韻月下聽琵琶

滿天星斗轉銀河
靜聽霓裳第一歌
翻笑江州老司馬

青衫空濕淚痕多

讀韓信傳

烏盡弓藏事可憂
英雄無術為身謀
誰知逐鹿功成後
不及留侯與鄼侯

無寐夜坐

陰蛩切切露華濃
樹影橫牕月滿空
夜半秋聲起何處
西風蕭瑟在梧桐

老師張先生致政還蜀久無音信忽聞訃報詩以

哀之

解印當年故里歸三千蜀道鴈書稀天涯此日聞哀訃
腸斷風前淚滿衣

踏雪尋梅

萬里同雲雪滿天塞驢駝醉峙吟肩不知春到梅花否
行遍前川與後川

征夫

憶從結髮戍邊頭厭見黃沙黑水流極目鄉關正愁絕

鴈聲叫破一天秋

送人之江南

離却山城向水鄉
烟波萬頃正茫茫
懸知吳下多風味
玉鱠金橙醒醉腸

懷人

畫閣東頭坐晚風
無緣談笑一尊同
人生聚散真萍梗
知在吳中在洛中

夢遊山

肩輿穩上玉嶙峋
泉石烟霞喜作鄰
譙角一聲催夢破
始驚身世在紅塵

懷仙吟

十一首

九華燈影燦銀缸
十二瓊樓疊綺牕
夜靜月明雙鳳下
玉簫何處度新腔

明月流輝滿太虛
仙遊一枕夢蘊蘊
帳寒雲母秋無際
不見青鸞海上書

千歲桃花一夜開
赤城霞氣滿瑤臺
西池阿母將臨馭

先遣雙成跨鳳來

霓裳霞帔曉翩翩
穩駕天風鶴背仙
信是玄洲春不老
紫雲蒼玉滿芝田

瑤池路隔海天高
阿母春雲入繡袍
方朔小兒真狡獪
分明三度竊蟠桃

玉洞春深護暖霞
一溪流水泛胡麻
祥風吹動三珠樹
頃刻紛開五色花

身世飄飄一羽輕
藍橋無處覓雲英
滿天香霧空濛裡

彷彿瑤環步月明

彩衣童子著青裙
海上傳書駕白雲
日暮幔亭簫鼓動
曾孫誰見武夷君

天風吹散赤城霞
樓閣參差阿母家
三島仙人開宴罷
金盤留得棗如瓜

水晶臺殿晃晴光
雲母屏開夜月涼
兩兩素娥乘白鳳
桂花香裏舞霓裳

藥珠金帳甲屏連
衣翦春雲繡紫烟
鶴背剛風秋萬里

夜涼飛下九重天

春寒

一片陰雲翳碧空
嬌鶯無語怯東風
杏花近清明節
猶自緘春不放紅

一年春信到人間
捲地東風苦作寒
燕子不來簾半捲
滿庭香雪杏花殘

春日即事

日移花影上簾櫳
金鴨烟銷火尚紅
午夢欲成誰喚醒

數聲黃鳥赤闌東

送董生還蜀

明時空負賈生才
常布蕭然故里回
窮達元來真有命
莫因彈鋏重徘徊

秋夜雨晴

二首

灝氣橫秋玉露浮
瑤天雲靜雨初收
虛堂添得涼如許
珠箔通宵不上鉤

銀蟾萬里轉長空
玉宇瓊樓入望中
夜靜天香飛滿院

紛紛桂子墜西風

晚景二首

遠水長天浸落霞
隔溪鐘動促棲鴉
數聲牧笛歸來晚
烟草茫茫一迳斜

曠野霜酣柿葉紅
疎林人靜戰西風
碧天極目鴈歸盡
一抹青山夕照中

赤壁圖次王世昌都憲韻

戰勝何須說伯功
江湖風景屬詩翁
洞簫吹起山東月

人在澄波萬頃中

和楊應寧憲副詠雪詩荅翟少叅

調得新聲好自彈雪車冰柱逼人寒
薇垣有客能相和

一曲空傳下里難

賞梅

墮指冰霜歲暮時梅花消息到南枝
暗香疎影真奇絕
不負孤山處士詩

春興 三首

滿眼春雲合又開名園處處錦城堆
丁寧好為張油幕
恐有遊人冒雨來

楊柳青青燕燕飛鞦韆庭院晚風微
玉鞭寶馬長安道
公子尋春次第歸

東風嫋嫋雨毵毵怕濕嬌鶯語欲難
翦就羅衣猶未試
杏花天氣尚輕寒

夜宴詞

鳳管龍笙咽畫樓玉闌干外月波流
沈沈更鼓歡娛夜

金瓶梅詞話卷七
不識人間別樣愁

涼州詞

十載驅馳鐵馬間
窮追曾過紇干山
如今爛醉蒲萄酒
有詔新來閉玉關

惆悵詞

江雲渭樹各西東
尺素無因寄便風
好在折梅如見憶
一枝休惜寄關中

次婁克讓憲副詠梅韻

二首

一種幽芳占早春雪中誰是看花人
暗香疎影吟邊趣祇許逋仙為寫真

一樹寒梅冒雪開看梅高士未曾來
空庭歲晚無聊賴索笑巡簷日幾回

得馬天祿少卿所寄文

海內風流獨數君寄來辭翰霜春雲
欲知名下無虛士細讀韓文與柳文

招丘仲玉大叅彈琴

怪石當堦露未乾
小軒松竹溢清寒
閒來欲洗塵埃耳
莫惜雲泉為一彈

滹沱水合

浪說河水肯信然
流澌不動果冰堅
非關天意憐王霸
漢業中興本在天

蠶婦

脂粉無心懶去施
求桑常恐飼蠶遲
綺羅多少紅樓女
睡熟紗牕日上時

春遲

東風釀雪覺春遲
不見鶯黃上柳枝
閉戶試聽三夜雨
滿庭芳草綠差差

初度日思祖母陳太妃

初度人人綺宴開
我逢初度不勝哀
慈顏一去無消息
忍對南山瀉壽盃

春睡美人畫

繡罷鴛鴦午睡濃
香銷金鴨綺疏封
渚宮有夢憐朝暮

飛下巫山第幾峰

春恨

鎮日凝粧倚畫樓
黛眉蹙損遠山愁
邊塵未息征夫遠
只恐青春悞白頭

東園即事

繡幄雕闌護曉寒
萬千紅紫半珊珊
呼童點檢春多少
花事相將到牡丹

紅牡丹

天風吹破錦雲團
涼沁胭脂露未乾
好似玉環粧束罷
絳羅衫袖拂蘭干

白牡丹

素娥乘月下瓊樓
脫却天香紫綺裘
遊遍洛陽無伴侶
凌風騎鶴到揚州

黃牡丹

姚家一種殿羣芳
不學宮粧學道粧
秀毓中央顏色正
品題無忝作花王

登樓

閒來不忍倚危樓
一度憑高一淚流
極目青山斜照裡
寒烟衰草接松楸

小景畫

二首

鯉魚風急繫輕舟
兩岸寒山宿雨收
一抹斜陽歸鴈盡
白蘋紅蓼野塘秋

抱琴散步碧山幽
萬壑千岩爽氣浮
一箇茅亭無斗大
如何著得許多秋

明皇摘瓜圖

翠輦間關道暘時摘來玉手似嫌遲
唯應割食甜於蜜
不記南方貢荔枝

山行四首

潑眼青螺宿雨晴
乘閒連日作山行
未須對酒聽絲竹
滿耳松聲雜澗聲

萬木陰陰石迳斜
亂山深處有人家
春風滿耳多啼鳥
澗水流來半落花

滿目烟雲散午風青山萬仞倚晴空欲登絕頂聊舒嘯
鳥道巉巖一線通

上方臺殿鎖烟霞石磴縈紆路轉賒啼鳥無聲僧入定
半巖風落紫藤花

杏花盛開喜而賦此

二月春陰花信稀滿庭紅杏忽芳菲東君有意須加護
莫遣西風忽漫飛

春夜 二首

金鴨香銷繡幙垂
半牕花影夢回時
綵竿閒却鞦韆索
月上梨花第幾枝

銅龍咽水漏聲遲
隔坐香風拂面吹
燒盡海棠花下燭
揮毫閒和盛唐詩

遊山歸

愛山連日作山行
未慊登臨負此情
歸去夜深詩夢裡
依稀猶聽澗松聲

春社

金剛經卷第三
卷七
參差茅屋燕飛來農事方興社鼓催斜日半山林影亂
杏花香裡醉人回

中秋月

景色平分一半秋廣寒宮闕素光流嫦娥此夜勤粧束
玉鑑高懸十二樓

晴望

浮雲飛盡碧空長天末流風灑面涼獨倚危樓吟思遠
南山秋色兩蒼蒼

淵明歸莊圖

蕭然一室近南山
五柳春風盡日間
歸去有辭傳信史
至今清節在人間

諭祭祖王陪朝使宿墳所

天光終始賁丘園
感激鴻仁矢不諉
地下先公應有語
九泉無自荅皇恩

月冷烏啼二鼓過
一燈明滅夜如何
怪來欹枕難成寐
風木蕭蕭感慨多

金史卷之八
第七
遊春

野鳥啼春弄曉晴
水光山色更分明
東君似助遊人樂
故遣飛花管送迎

暮春

春事闌珊景漸稀
梨花飛盡柳花飛
閒門要路皆芳草
惆悵王孫獨未歸

春雪

東風吹冷入牕紗
雲黯瑤空散玉華
咫尺灞橋無覓處

詩人何地問梅花

送王鸞同知回鳳翔 三首

錦樹西風葉半殘
羅衣初試未全寒
貳車清健驂驪穩
來往康莊未覺難

風流別駕一詩人
幾度乘車過渭濱
見說年來勞撫字
冰壺秋月迥無塵

憐君走馬向岐州
我欲留君不我留
銀甕玉醅新酒熟
東籬空負菊花秋

慰吳元素長史

北望桑乾道路長
稀年擺脫利名場
從來風物關中好
何必雲中是故鄉

九日小集

滿徑黃花冒雨開
小亭延客共徘徊
蒲萄滿甕新醅熟
不用江州送酒來

贈山中道士

鍊就金丹不出山
世人那得見童顏
他年冲舉歸蓬島

華表應看一鶴還

憶郁少叅

我在西秦子在吳澄江千里夢魂孤何時乘興重來訪
共倒花前酒一壺

秋江小景

極目長江萬頃秋石尤風起蕩漁舟投竿一叟推篷坐
似為青山半日留

傷思吟

金史卷之八
老七
梧桐月冷夜沈沈雲母屏開思不禁坐擁羅衾方睡澁
豈堪別院動秋砧

絳紗搖影夜燈紅霜冷芙蓉小帳空無限幽懷何處著
沈沈都付漏聲中

柳絮

顛狂已見隨風起飄蕩還應逐水流九十春光容易老
等閒莫點少年頭

漁樂圖

釣絲輕颺碧波流
楓葉蘆花兩岸秋
占斷一江風月在
浩歌長醉狎沙鷗

招閩文振方伯

杖屨能來不厭頻
玉醅銀甕正生春
長安此日耆英會
可少當年洛社人

竹塢寫興

錦裯初脫勢凌雲
勁節從來說此君
一點虛心能契我
開牕風月每平分

再到天池

為愛雲山幾度來
芙蓉萬朶挿天開
出門滿眼皆新句
不惜霜刀為剪裁

曲江見杏花

隔岸依稀見早霞
酒帘搖處兩三家
馬頭駛駢行來近
始見前村有杏花

訪印鍊師不遇

隔澗泠泠磬遠聞
尋君惆悵未逢君
一聲白鶴瑤天外

五粒松枝鎖白雲

寄僧

長安樓外見歸鴻
幾度登臨憶遠公
飛錫何時能過我
焚香相對夜談空

寄王冢宰老先生

堂堂世道藉扶持
八十懸車老盛時
見說蒲輪還有召
從來名節九重知

幽居

金人集卷七
踏破蒼苔一徑深
滿林晴翠晝陰陰
數聲雞犬柴門裡
知是誰家傍水尋

過景隆池

雨花風葉墮芳池
景物淒涼石獸危
策馬更從原上看
斜陽滿地照殘碑

梨花為風雨所敗

夜來風雨釀春寒
斷送梨花滿地殘
最恨洗粧辜舊約
小軒詩酒共誰看

菊

瑟瑟西風不受欺
自緣晚節在東籬
何人更道無錢賞
況是叅軍落帽時

過古廟

敗壁頽垣半綠苔
行人過此暫徘徊
一龕冷落無香火
惟有棲鴉夜夜來

西湖圖

雨過西湖漲碧波
畫船搖曳載笙歌
綠楊黃鳥蘓堤外

想像詩成憶老坡

二月花朝遇雪

春到人間五十朝
桃花破萼柳垂條
東風何事猶吹雪
浪積牆陰未肯消

紅梅花

自是孤山玉雪標
東風吹暖上林梢
夜深誤入羅浮夢
兩頰餘酣曉未消

聞鶴聲

玉宇涼生海月明
松梢忽聽戛然鳴
坡仙赤壁孤舟夜
清夢驚回是此聲

堦前竹

箇箇篔簹手自栽
綠陰密密護蒼苔
小軒不獨添佳致
還有丹山彩鳳來

春晚

林梢殘月半牕明
枕上遙聽好鳥鳴
起傍雕闌看春色
一庭花露滴無聲

秋曉

唱徹金鷄曙色開
銀燈猶自落寒煤
朱簾捲起梧桐月
滿地清霜畫角哀

釣叟

一葉扁舟覆短篷
釣絲輕颺柳花風
烟波不接雲霄路
只恐非熊入夢中

村行

酒旗數尺颭東風
茅屋參差綠映紅
春色滿前吹不盡

紫騮嘶過小橋東

聞砧

滿天風露月團圓
雙杵丁東搗夜闌
莫訝妾心何太急
玉門關外不勝寒

郊行即事

寶馬香車踏軟塵
暖風不動趁遊人
誰知陋巷柴門裏
也有梨花一樹春

漫興 二首

日日鈎簾獨看山
筆床茶竈伴清閒
幽人自得園中趣
身外紛紛總不關

漫把新詩信口裁
雅懷終日賴渠開
等閒拍手高歌處
招得空庭白鶴來

午睡

小牕一枕黑甜餘
正是黃鶯喚起初
夢裡謾勞尋舊約
殷勤重讀寄來書

曉起

一枕鈞天睡正濃
曙鴉啼散五更鐘
朝廷有道邊烽熄
閒散何妨自養慵

述懷

金闕瓊臺擁玉皇
羣仙步武珮珊珊
等閒也欲論封禪
虎衛無緣入建章

春祭先塋途中遇雨

十里松楸路不分
滿天陰雨正紛紛
東風吹盡傷心淚
回首終南隔暮雲

金
卷七
嘗新麥

四月關西麥乍黃
曉炊愧我得先嘗
淋漓汗血三農苦
空盼風吹餅餌香

道院見紅梅

姑射仙人著絳紗
冰霜滿面絢紅霞
丹成紫府應誰識
不比玄都觀裏花

苦吟二首

筆床棐几日相親
性癖耽詩四十春
獨愛淵明冲淡趣

不將崎嶇駭詩人

朝苦吟詩暮苦吟
苦吟却恐被詩淫
吟成字字皆粗拙
慚愧成周雅頌音

錦積堆為許季升題

四首

東風花事已離披
綉出天然一段奇
彷彿燈籠媚妃子
當時不遣潞公知

花神有意媚春天
種種珍奇色色妍
莫道霜臺無著處
便同蓮座供金仙

粧點都來屬化工幾多異品錯青紅休嗟回首隨流水
悟得禪家色是空

萬草千花次第開園官收拾錦成堆韶華一去真如夢
却向王維畫裡來

萬窠金闕圖為許季升都憲題

萬年翠色繞蓬萊盡是先皇手自栽此日明堂須八柱
鬱然雙闕倚天開

與客賞花予獨不飲

醪醑潋灩泛舫謾說金壺酒似泉洞口有花應解笑
獨醒正自愧時賢

看花吟

紫抹紅遮正惱人可堪隨水逐輕塵閒來識得天機在
看到梅花未破春

題畫 二首

四面青山作近鄰松陰茅屋靜無塵蕭然有客推牕坐
誰識閒人是道人

九月霜清柿葉稀
蘆花深處見漁磯
等閒和得滄浪曲
不管人間是與非

留春詞

幾欲留君不暫留
落花無數逐東流
明年依舊城南約
莫惜繁紅滿樹頭

紙帳

海國裁成別樣新
白雲一片淨無塵
流蘇香煖慵騰處
可有梅花夢裡春

新笋出林為風所折

籜龍驚蟄出牆東一夜寒聲滿地空造化未應偏妬物
錦裯初脫不禁風

海棠黃雀

二月韶華似酒濃海棠睡起試新紅幽禽亦解留春色
故向高枝弄好風

桂花畫眉

夢裏春光去幾時天香開到桂花枝姮娥已悔花前舞

對鏡何心學畫眉

再題海棠黃雀用前韻

沈香亭畔露華濃
睡起妖環酒暈紅
爛醉三郎渾不醒
野禽翻占五更風

再題桂花畫眉用前韻

露冷風清八月時
山河影裏見瓊枝
春禽忘却秋容淡
每向花間鬪淺眉

漫興

李杜神遊杳莫攀，于今誰敢擅吟壇。
等閒欲琢驚人句，羞澁應慚下筆難。

清潭八景為朱景雲憲副作

仙嶺朝雲

山倚叢祠入望深，嵐光侵曉落微陰。
等閒飛起從龍去，應與商家作旱霖。

荷峯夕照

野色蒼茫薄下春，入江返照駐荷峯。
衝烟雙鶴歸來晚，

點破山腰紫翠重

鷄股樵歌

競秀雙峯翠插天
諸山羅立亦駢肩
負薪多少行歌者
畫錦方知太守賢

中村牧遂

山徑縈迂草樹重
參差茅屋亂烟中
斜陽晚飯行人斷
無數牛羊一笛風

碧澗寒泉

山下溶溶一脉連
分流長得過平田
遙看濺沫冰如結
疑是寒蛟水底眠

清潭夜月

月在長空水在潭
水光月色兩相涵
潭中或有蛟龍起
倒射蟾精散蔚藍

廣濟晨鐘

祠光曙色兩平分
山下蒲牢到處聞
聽說年來農事好
野人迎賽盡朝暉

大橋車馬

綠樹春江雨乍收
彩虹閃閃臥寒流
長途車馬多於水
不解人間九折愁

明皇擊節圖

醉倚梧桐擊節時
翠盤妃子舞衣垂
漁陽莫怪胡塵起
夢裏曾將尺八吹

口占

萬事無能只守愚
年來更與世情疎
等閒欲射韓公策

已負平生未見書

題徐世良寫生畫

意趣天然筆法奇
寫生今復見徐熙
春花春鳥知多少
消得東君幾句詩

梅花圖為憲僉胡用晦題

翦雪裁冰巧作花
霜臺人倚玉無瑕
須知鼎鼐調羹味
不落孤山處士家

和張廷儀繡衣賞菊十二絕

占斷西風第一芳精神真欲傲嚴霜紅顏浪說天魔隊
金粟如來獨面黃

東籬誰解惜芬芳花未殘時節未霜珍重樽前論花品
行臺今日有蘇黃

秋風誰敢擅幽芳江上芙蓉亦怕霜惟有東籬陶令菊
獨將金色鬪橙黃

肯隨桃李競春芳獨倚東籬慣傲霜試向牡丹園裡看
空餘玉篆記姚黃

傳老元來有世芳
孫枝分出幾星霜
姮娥只解誇仙桂
不道人間有鞠黃

秋花粧點滿籬芳
帶土移來尚有霜
紅紫不須爭爛漫
獨憐真色屬金黃

行臺柱史振餘芳
怪底長安夜有霜
此日東籬同把酒
金英須避豸冠黃

幽花向晚壓羣芳
青女相憐未著霜
珍重品題逢豸史
重來應見帶圍黃

爛漫西風九月芳錦園深護未經霜花神不受春前品
鑄出金錢破眼黃

清才易史漱清芳口嚼清水面有霜老圃秋容期晚節
此心白日到羲黃

秋滿東籬色正芳妬花青女欲飛霜小亭清賞來詩侶
綠蟻浮盃薦蠨黃

繡衣玉斧重流芳勁節留隄九夏霜記取長安今日別
紅亭處處菊花黃

五王醉歸圖

二首

花萼樓前日影移
暖香塵裏醉歸遲
如何到得開元後
不似當初共被時

花萼樓深玳宴開
諸王馬上競扶回
海棠醉殺無人管
直待漁陽戰鼓催

曉起對雪

午夜寒欺錦帳重
凍酣簷馬不禁風
朝來積雪深三尺
喜兆今年百穀豐

行樂

青春行樂莫蹉跎出海烏蟾等逝波惆悵天隨呼不起
江湖誰續散人歌

賞花

曲闌干外牡丹花玉篆標題護絳紗龍管鳳笙歡賞處
不知樓外夕陽斜

題畫

抱琴隨處覓知音誰識離騷萬古心行到溪山幽絕處

細聽瀑布滌煩襟

烟波萬頃水茫茫回首衡陽道路長
天闊霜寒秋欲老
西風雲外自行行

夜宴

華堂今夕綺筵開為報龍銅且莫催
人靜小屏紅燭短
姮娥還送月明來

次韻郊興

信馬城東一徑斜柴門流水野人家
吟鞭遙指歸來晚

落日風吹鼓子花

漫興

俯仰乾坤自有餘
小軒無事日如如
眼前萬物皆成樂
只看青山不看書

問人求辛夷

辛夷纔著兩三花
花下開尊定幾家
折贈一枝君莫惜
東風寧肯護繁華

東園宴罷

三分春色正當中媚景撩人處處同斜日小亭人醉後
杏花香散一簾風

池上

新泉滾滾出無窮水面微波覺有風夜靜獨憐清境好
出看明月到天中

宋高宗南渡圖

中原陵寢隔烟波南國樓臺貯綺羅試向西湖聽捷報
凱歌翻作竹枝歌

小景畫

流水高山趣自深
抱琴相對坐松陰
但須識得其中意
何用人間有賞音

次春日閒坐閒行二絕韻

左圖右史我中間
坐看沈烟起博山
讀罷黃庭心似水
綠陰幽鳥自閒關

信步尋詩怕雨催
手携筇竹步蒼苔
身自喜無餘事
閒逐浮雲任往來

馬上觀山

層巒疊嶂倚高寒
嵐翠霏霏午未乾
自有天然真意趣
何須移入畫圖看

書室彈琴

庭院風清午漏殘
博山添火試沈檀
綠陰滿地黃塵逐
一曲梅花且自彈

梨花夜月

深院溶溶夜色新
素娥移步就花神
瓊姿皓魄相輝映

併作人間一段春

桃花春雪

六花和粉傳紅粧咫尺天台入渺茫忽地作團銀海亂
翻嫌春色誤劉郎

風前楊柳

萬縷千條拂釣磯細腰無力晚風微阿蠻似逞嬌癡態
幾度傴僂舞綠衣

雨中海棠

醉來無力倚雕牆
細雨紛紛濕粉香
好似馬嵬兵變日
太真含淚卸紅粧

過山家

榆柳陰陰覆短牆
繞畦黃蝶菜花香
山翁睡起渾無事
坐弄兒童笑夕陽

秋山行客圖

涼生疎樹雨初收
山氣霑衣翠欲流
何物騎驢癡老子
搖鞭吟斷一天秋

金剛經
卷七
閨情

寶鴨香銷午夢殘
倦來無力整雲鬟
千倚遍空惆悵
人在天涯隔萬山


過曲江池

江邊一望草蒙茸
絃管樓臺轉首空
紅杏不知塵世改
年年依舊笑春風

薦福僧房

門對南山列畫屏
白雲如水宿簷楹
老僧長日無塵事

一炷清香一過經



小鳴稿卷七